

Klasifikasi Akaun dan Persamaan Perakaunan: Jawapan Soalan 7

(a) Apakah maksud akaun kontra?

Maksud akaun kontra:

Akaun kontra adalah satu akaun yang mengurangkan baki akaun induknya. Pengkelasan akaun kontra adalah sama seperti akaun induknya.

(b) Nyata dan jelaskan dua tujuan akaun kontra.

Tujuan akaun kontra	Penjelasan
1. Penolakan nilai	Akaun kontra ini bertujuan menunjukkan nilai bersih sebenar baki akaun induknya. Contoh akaun kontra jenis ini adalah akaun pulangan belian, pulangan jualan dan ambilan
2. Pelarasan nilai	Akaun kontra ini bertujuan untuk menunjukkan nilai bersih anggaran baki akaun induknya. Contoh akaun kontra jenis ini adalah akaun susutnilai terkumpul dan peruntukan hutang ragu.

(c) Berikan akaun induk bagi setiap akaun kontra di bawah.

Akaun kontra	Akaun induk
1. Ambilan	Modal
2. Pulangan masuk	Jualan
3. Pulangan keluar	Belian
4. Susutnilai terkumpul perabot	Perabot
5. Peruntukan hutang ragu	Akaun belum terima

(d) Bezakan di antara catatan kontra dan akaun kontra.

Perbezaan antara catatan kontra dan akaun kontra:

Catatan kontra adalah catatan yang dibuat untuk menunjukkan pemindahan sesuatu akaun dari satu akaun ke satu akaun yang berkaitan dengannya. Ia boleh berlaku secara dua hala. Contoh catatan kontra adalah dari akaun tunai ke akaun bank atau sebaliknya. Akaun kontra tidak akan merujuk kepada pemindahan dan tidak boleh berlaku secara dua hala. Tujuannya adalah bagi menunjukkan nilai bersih sebenar ataupun nilai bersih anggaran akaun induknya.